

山西通志卷第五十三

山西巡撫都察院右副都御史臣覺羅石麟奉

旨修輯

武事四

寧武府

寧武縣

周赧王九年趙武靈王北逐樓煩斥地自代并陰山而下

十九年秦蒙驁攻趙拔新城 漢高帝十年九月陳豨韓

信合兵寇代雁門太尉周勃將軍樊噲擊之於樓煩大破

之復定所劫略郡縣 建武三年盧芳將尹由守繁峙驃

騎將軍杜茂上谷太守王霸擊之不利引兵屯樓煩 蜀

漢建興十一年六月魏并州刺史畢軌以居雁門鮮卑步

度根與軻比能解讐表出兵外威比能內鎮步度明帝曰
步度非實有貳心軍出則驚合爲一矣勅軻軍不得過勾
注而軻已進軍陰館遣將魏尚董弼先出塞軻比能遣子
迎度根因與尚弼遇戰於樓煩尚弼敗沒步度根遂叛出
塞遇戰樓煩是軻比能子業進陽方口也然而不南入
者魏兵強也軻比能志殊叵測隋大業八年西突厥處
羅可汗至分其部爲三使處羅弟大奈將萬餘居樓煩
十三年劉武周陷樓煩據汾陽宮宋太平興國四年遼
乾亨元年也保安軍使尹憲克嵐州入朔州攻寧武軍破
之殺其軍使獲人馬器械甚衆潘美兼三交都部署三
交西控三百里名固軍其地險阻爲北邊咽喉美潛師襲
之遂據有其地因積粟屯兵以守之自是北邊以寧

固軍
當在

靜樂寧
化間

明何塘吳道寧墓誌
宏治一年陞山西按察司副

使奉勅整飭雁門等三關兵備創築寧武新城設寧武所
及沿邊堡寨俱募軍充實武備一新邊人有賴王道中
翟鵬行狀公委軍門聽用主事劉燾督同各鎮主客擺邊
官軍壯夫等各就三關分定地方修築邊牆挑挖壕塹各
十萬丈營盤二十處周圍牆共三千一百二十五丈墩一
十一座敵臺六座修補舊牆壕塹不可勝計正德九年
小王子入至關守備陳經戰沒十四年自朔州入至龍灣
嘉靖九年俺荅至龍灣十五年由崖頭入至寧化三馬
營十九年八月俺荅部人與大同折箭由井坪朔州抵雁
門破寧武關入岢嵐興縣交城汾州文水清源二十八年
八月由朔州入至王野梁副總兵丁璋游擊周宇戰沒遂

深入太原三十八年俺荅犯宣府總兵趙國忠相持於沙
嶺堡寇大營徙而西直抵寧武大同總兵官陳鳳伺寇將
退率副總兵林椿游擊焦澤張騰等合進至鷓兒嶺伏發
諸將戰彌日各被創會大風雪寇斂衆還營明日復戰斬
一長寇乃退 崇禎間三關土賊王剛起後降七年巡撫
戴君恩以迎春召剛宴殺之汾州叅將劉光祚勦敗剛餘
黨斬四百餘級甲申二月十五日闖發太原數日抵寧武
總兵周遇吉設伏邀擊闖怒益進遇吉與寧武道王尹懋
嬰城固守闖百道攻擊乃陷遇吉尹懋死之闖賊薄寧武
關傳檄五日不下且屠總兵周遇吉悉力禦守大砲擊殺
賊萬餘人會火藥盡或言賊勢重可款也遇吉曰戰三日
殺賊且萬若輩何怯耶能勝之一軍盡爲忠義萬一不支

我以獻若輩可無恙於是開門奮擊殺賊數千人賊懼
欲退或爲賊策曰我衆彼寡但使主客分別以十擊一蔑
不勝矣請去帽爲識見戴帽者擊之遁出戰不三日可殲
也賊引兵復進迭戰脫帽以自別官軍大敗遇吉闔室自
焚揮短兵力鬪被流矢牙兵且盡見執罵賊賊於市磔焉
遂屠寧武嬰稚不遺李自成旣殺遇吉歎曰使守將盡周
將軍者吾安得至此

偏關縣

趙襄子取蘭郭狼之地遂北伐林胡敗之於荏 趙武靈王

命代相趙固主林胡致其兵復北伐破之 漢高帝七年

太僕夏侯嬰從擊代至武泉雲中 景帝中六年六月寇

入雁門至武泉入上郡取苑馬吏卒戰死者二千人 元

光二年夏五月寇入武州塞未至馬邑百餘里走出
明宣德四年兀良哈由段家村入總兵李謙設伏於黃草梁
擒其酋隱克力等十年由七里溝入指揮江海等戰敗死
正統元年復由七里溝入指揮馬貴等敗其前鋒乃退十
四年也先至大樹塢景泰初兀良哈駐櫃山數犯偏頭城
化元年火篩至楊勉堡十八年復入守備錢能敗十九年
右副總兵周璽以偏頭去太原遠請改分守爲鎮守又以
鎮守不當聽節制乞易總兵銜從之宏治十四年入七里
溝十五年寇掠偏頭關正德七年小王子入總兵周神敗
績於圪子塢守備周鏞等皆沒九年再入十一年復入十
四年由朔州入至龍灣十五年正月由朔州入至三义溝
嘉靖八年十月俺荅山大同入至土棚堡副總兵李瑾敗

和於劉海莊十一月小王子糾河套七萬餘騎由并坪入
遂掠朔州至偏頭關乃退九年正月復入瑾伏兵龍灣出
終擊敗之由是終瑾任不再犯十五年八月由寺塢入至
焉站營九月由巖頭溝入十月復由巖頭溝入一歲凡三
犯十六年八月由平魯衛入至老營十九年八月由朔州
入二十一年七月由朔州入叅將張守忠邀擊於六支村
戰死隆慶元年十月黃台吉寇偏頭關逮繫鎮巡劉燾王
之誥副叅田世威等命閣部與文武臣商禦寇策

神池縣

周赧王十九年秦使蒙驁攻趙拔新城狼孟 漢高祖七年
塞北左右賢王信將王黃等屯廣武以南至晉陽與漢兵
戰漢兵大破之追至於離石復破之師古曰離石西河之縣塞北復

聚兵樓煩西北漢令車騎來擊常敗走漢乘勝追北聞北
部居代谷上居晉陽使人視之還報曰可擊遂至平城上
白登 魏青龍元年六月保塞鮮卑大人步度根與叛鮮
卑大人軻比能私通并州刺史畢軌表輒出軍以外威比
能內鎮步度根帝省表曰步度根已爲比能所誘有自疑
心今軌出軍適使二部驚合爲一何所威鎮乎促勅軌已
出軍者慎勿越塞過勾注也比詔書到軌已進軍屯陰館
遣將軍蘇尚董弼追鮮卑比能遣子將千餘騎迎步度根
部落與尚弼相遇戰於樓煩二將沒步度根部落皆叛出
塞與比能合寇邊遣驍騎將軍秦朗將中軍討之寇乃至
漠北 東魏興和三年四月蠕蠕阿那瓌奉馬千匹爲聘
禮遣使迎蘭陵郡長公主於新城之南齊神武躬送公主

於懷煩之北 唐武德四年定襄王李大恩言突厥驍馬
邑可圖詔與殿中少監獨孤晟共擊之晟後約大恩不敢
進屯新城頡利自將數萬騎與劉黑闥合圍之大恩沒士
死者數千人進擊忻州爲李高遷所破 八年頡利攻朔
州與代州都督蘭謦戰新城謦敗績於是張瑾兵屯石嶺
李高遷屯大谷秦王屯蒲州道 乾符三年雲中守捉使
李克用偕程懷信王行審蓋寓李存璋薛鐵山康君立等
募士萬人趨雲州次鬪雞臺城中執防禦使段文楚至殺
之據州以聞朝以振武節度使李國昌爲大同軍防禦使
國昌不受命而與黨項戰未決大同川吐渾赫連鐸襲振
武盡取其貲械國昌窮挈騎五百還雲州州不納鐸遂取
之克用轉側蔚朔間哀兵纔三千屯新城鐸引萬人圍之

隊而攻三日不拔鐸兵殺傷甚國昌自蔚州來鐸引去六年詔昭義李鈞爲北面招討使督潞太原兵屯代州幽州李可舉會鐸攻蔚州國昌以一隊當之克用分兵抵遮虜城拒鈞天大雪士瘴什鈞衆潰還代州軍遂亂鈞死於兵廣明元年以李琢爲蔚朔招討都統率兵數萬屯代州克用使傅文達調蔚朔兵朔州刺史高文集縛以送琢琢進攻蔚州國昌敗與克用舉宗奔韃靼元巳卯木華黎以蕭特末兒等出雲朔攻降岢嵐火山軍

當縣神池五寨

明嘉靖八

年十二月俺荅入偏頭關副總兵李瑾戰於劉海莊不利三十二年九月寇至神池總兵李涑追擊至大蟲嶺捨騎逐賊賊甚窘會諸軍急擊而黨陣亂涑敗沒

五寨縣

魏領軍將軍元乂遣弟洪業召武州人姬庫根等與之聚宴
遂誓盟欲令爲亂朝必以乂爲大將軍往伐因其爲表裏
乃厚遺根等遣還州與洪業買馬 宋咸平六年遼統和
二十一年也河西內屬折勒厥麻等三族請以精兵千人馬
三百備征討詔撫諭唐初突厥入詔并州總管劉世讓以
兵屯雁門世讓馳騎八百赴之而可汗軍大至乃保武州
可汗與高開道苑君瑋合衆攻之城數壞輒立柵完拒鄭
元壽先使可汗可汗使來說世讓叱曰丈夫奈何作說客
耶久之寇引去元壽還具道其忠賜良馬金帶 金貞祐
二年武州屢經殘毀刺史楊沃衍甫入州二月元兵卽來
攻死戰二十七晝夜不能拔乃退旣而朝廷以武州終不
可守令沃衍遷其軍民駐崑嵐州 興定三年八月戊辰

元兵下武州軍事判官郭秀死之 明洪武二年都督汪
興祖擊下武朔二州擒知院馬廣等六百三十四人六年
北兵入武朔大將軍徐達遣陳德郭子興擊破之

澤州府

鳳臺縣

周靈王二十二年齊侯伐晉取朝歌爲二隊入孟門登太行

封少水

卽沁水

赧王五十二年秦白起伐韓取南陽攻絕太

行道

韓惠王十年秦擊韓於太行上黨降

秦昭王四

十四年白起攻太行道絕而韓之野王降 秦莊襄王元

年使蒙驁伐魏取高都

漢建武元年劇賊集太行山高

都長鮑昱討平之

後魏建義三年九月丙辰爾朱兆至

建州刺史陸希頂拒守城陷盡屠之

中興二年四月丙

子廢帝建州大都督張悅舉城降

東魏天平元年六月

高歡遣三千騎鎮建興益河東兵

西魏大統十六年東

伐帥都督司馬喬請爲前鋒遂入建州破東魏將劉雅興
拔其五城 周太祖以行正平郡事楊擲有謀略堪委邊
任乃表行建州事時擲據東雍州建州遠在敵境三百餘
里然擲威恩夙著所經之處多竝羸糧附之比至建州衆
已一萬東魏刺史車折于洛出兵逆戰擲擊敗之又破其
行臺斛律俱步騎二萬於州西大獲甲仗及軍資以給義
士繇是威名大振東魏遣太保侯景攻陷正平復遣行臺
薛循義率兵與斛律俱相會於是敵衆漸盛擲以孤軍無
援且腹背受敵謀欲拔還恐義徒背叛遂僞太祖書遣人
若從外送來者云已遣軍四道赴援因令人漏洩使所在

知之又分土人義首令領所部四出抄掠擬供軍費擲分
遣訖遂於夜中拔還邵郡朝廷嘉其權以全軍卽授建州
刺史 齊晉州敗後雷顯和爲建州道行臺左僕射周使
其子招之顯和禁其子而不受聞鄴敗乃降 唐武德元
年王須將魏刁兒據澤夏竇建德襲擊破之 竇建德救
王世充凌敬說曰悉宜濟河攻取懷州河陽使衆將居守
更率衆鳴鼓建旗踰太行入上黨先聲後實傳檄而定漸
趨壺口騷駭蒲津收河東之地此策之上也建德妻曹氏
亦言自滏口道乘唐之虛連營漸進以取北山則鄭難自
紓世充以金帛啗夏諸將竟奪其謀而建德敗 史思明
至東都韋陟欲加兵陝州退守潼關李光弼曰非上策也
不若移軍河陽北阻澤潞據三城以抗之勝卽擒之敗卽

自守襄裏相應使賊不敢西侵此則狼臂之勢也遂敗思
明於河陽 唐肅宗時左清道率曲環將兵守澤州破賊
銳將安曉 光化二年李罕之以潞州降梁丁會自河陽
攻澤下之 李罕之悉河陽兵攻晉絳河南張言夜襲之
罕之奔晉晉表澤州刺史使李存孝以兵三萬助罕之攻
言罕之敗於沅河乃之澤州日以兵鈔懷孟間啖人爲食
居民屯聚摩雲山罕之悉攻殺之立寨其上時人號曰李
摩雲 晉兵破夾城梁右千衛上將軍牛存節等以餘兵
歸至天井關聞晉攻澤州存節曰澤州要害不可失也舉
策而先士卒隨之澤州人已焚外城將降晉聞存節至乃
稍定存節入城助守晉人穴地道以攻之存節勇士數十
亦穴地以應之戰於隧中敵不得入晉人解去 後唐同

光元年梁取澤州裴約死之 後晉天福十二年五月史
宏肇克澤州契丹將崔廷勲遁 宋建隆元年夏四月癸
巳昭義軍節度使李筠起兵遣人殺澤州刺史張福往據
其城求濟師於劉鈞鈞率兵與遼兵數萬援之詔遣歸德
軍節度使石守信往討五月庚子遣昭化軍節度使慕容
延釗彰德軍節度使王全斌將兵出東道會守信癸卯石
守信與監軍李崇矩敗李筠於長平斬首三千級又攻大
會砦下之甲辰命諸道進討丁巳詔親征命天平軍節度
使韓令坤屯兵河陽巳未發京師丁卯石守信高懷德破
筠衆三萬於澤州南降者三千餘擒僞節度范守圖殺筠
監軍使盧贊及北漢援兵之降者數千人筠遁入澤州戊
辰太祖至列柵圍之筠龍捷使王廷魯吐渾留後汾州副